

– Ֆարիատ, չե՞ս ճանաչում ինձ...

– Ա՛խ, Կարօ, սիրելի՛ ընկեր, միթե՞ դու ես... Չէ՛, չէ՛, դու Կարօն չես... Որտեղի՞ց եկար... ո՞ր էիր... քեզ համար ասում էին...

Այսպես, իմ շփոթութեան մեջ, սկսեցի հարցնել հին բարեկամիս, որ գրելով ինձ, խուլ ծայնով պատասխանեց.

– Ես եմ, ես Կարօն եմ...

Իմ ուրախութեանը չափ չկար. ես երեխայի նման քարշ ընկայ նրա պարանոցից, համբուրում էի կարօտալի աչքերը, համբուրում էի երեսը, ձեռքերը եւ երկար չէի բաժանւում նրանից: Ես պատմեցի այն աւուր անցքը, իմ բանտարկութիւնը, իմ փախուստը եւ յայտնեցի, թե որպիսի՛ դիտաւորութիւն բերեց ինձ գետի ափի մօտ: Նա սկսեց ծիծաղել իմ միամտութեան վրայ, ասելով.

– Խելքդ կորցրե՞լ ես, ինչ է:

– Ապա ի՞նչ անեմ, – հարցրի ես:

– Գցի՛ր գետը այդ սատանայի կծիկը: – Պրծաւ գնաց...

Նա ցոյց տոեց Դանիելի գրքի վրայ, որը, չգիտեմ ինչպէս էր պատահել, ամէլ էի ինձ հետ: Ես առանց մտածելու, գիրքը նետեցի գետի մեջ, ինձ այնպէս երեւաց, թէ նրա հետ սրտիս բոլոր տանջանքները խորասուզոեցան սառն ալիքների մեջ...

– Դէ՛, շատ լաւ, – ասաց նա: – Զիմա գնանք:

Ես հետեւեցի նրան, ամենեւին չհարցնելով, թե ուր է տանում ինձ:

Լուսնի եղջիւրը երեւեցաւ հորիզոնի ծայրից, եւ գիշերի թանձր խաւարը փոքր-ինչ պարզեցաւ: Օդը իր հովասուն սառնութեամբ բաւականին կազդուրեց իմ բորբոքած գլուխը: Ես սկսեցի ազատ շունչ քաշել: Այժմ ինձ այնքան լաւ էի զգում, կարծես, ոչինչ չէր պատահել ինձ հետ:

Կարօն տասն եւ երկու տարի առաջ թողեց մեր դպրոցը եւ այնուհետեւ անյայտացաւ: Նա դուրս եկաւ մեր դպրոցից, առանց մի այբի կտոր անգամ իր հետ տանելու: Իսկ այդ տասն եւ երկու տարոյա ընթացքում որքա՛ն փոխուել էր նա: Լղարիկ, փոքրիկ, վատառողջ Կարօն այժմ աճել, հասունացել, հսկայական ձեւ էր ստացել: Նրա համարձակ ընթացքը, յանդուգն կերպարանքն արտայայտում էին վեհուրիւն, ուժ եւ անձնավստահութիւն: Կարօն չորս տարով միայն մեծ էր ինձանից, բայց ես, թէեւ բաւական բարձր էի հասակով, դարձեալ իմ գլուխը հագիւ հասնում էր նրա ուսերին: Իմ երեսի վրայ մազերի հետքեր անգամ չկային, իսկ նրա վերեւի շրթունքը դեռ նոր սկ-